


30.05.2023.

Cilj radionice je dati smjernice kako mala i srednja preduzeća mogu osigurati bolji pristup finansijama



U Goraždu je danas održana radionica za mala i srednja preduzeća u sektoru turizma, u sklopu koje su predstavnici Privredna banke d.d Sarajevo i projekta USAID Turizam, predstavili mogućnosti finansiranja, održali diskusiju o projektnim inicijativama privatnih subjekata i organizacija, te potakli profesionalno umrežavanje prisutnih predstavnika turističkog sektora.

Radionici je prisustvovao i premijer BPK Goražde Edin Ćulov, a učesnici su imali priliku iznijeti svoje probleme u pristupu finansijskim sredstvima za mala i srednja preduzeća (SME) u sektoru turizma, sve sa ciljem obogaćivanja i unaprijeđenja svoje trenutne turističke ponude radi privlačenja većeg broja turista u naš kanton.

Sinhroniziranim radom Privredne banke d.d Sarajevo i projekta USAID Turizam, kroz finansijsku i tehničku podršku bit će potaknuta diverzifikacija turističkih proizvoda i iskustava, strateško planiranje razvoja radne snage i obuka na radnom mjestu, te bolja promocija destinacije primjenom različitih marketinških kanala. Kontinuirano finansiranje turističkog sektora omogućit će preduzećima u sektoru turizma da poboljšaju likvidnost svog poslovanja, generišu veće prihode, te otvore nove radne pozicije, i na taj način povećaju konkurentnost destinacije BPK Goražde i Bosne i Hercegovine na međunarodnom nivou.



